



ГАЗЕТА 1931 ПО' АПРЕЛЬ ИРҮГ' ЮКАД ВАТА ХАСАВАЮДИМДЕЙ ЯЛЯХАД ҲАДИБЕРҶА

СИ" ИВ ЯЛЯХАНА ҲОПОЙ" СЕРТАБИВА"

Мэбета вадава" ила' панан' етри' мэква"!

НЯРЪЯНА

ҲЭРМ



№ 17 (5291)
2026 по'
апрель иры'
25 яля

СУББОТА

Российская Федерация Ямало-Ненецкий автономный округ



Сидяңг: Марина Ярой' тадтавы

Нум' хурка
җэвахад
теневава"

2

Тохолкурҗаваць

«Няръяна Ҳэрм» газетяхана паднанаңу сидя яля' ямбан' теневабцуна" җокамдамба тохолкурҗаваць. Сидна" табедамбадаңу Елена Тимофеевна Пушкарёва тарась. Пыда илна" саир", вадина" нямна паднани" поңгана ёльце юнета яна" тер.


Нюртей яля' няданда җока тирний" табекодва" намдаваць. Елена Тимофеевна' вадавна, мэта вадава" етри' несэйворҗа, тикахана вэвам' ни мание". Ҳопой, лаханаб"на" җока луца вадам' мэҗава". По' ямбан' җадибермы" «Няръяна Ҳэрм», «Лух Авт» юн' падрона" тыхасовна манэ"мыда. Таняд луца вади ховы, җопой падарт' падвыда. Тикыда мал' няна" җадимдейдась: «гектар», «материнский капитал», «дартс», «номинация», «автобус», тамна җани". Е"эмнана" табекурҗась:

– 1931 поход луца" вади не-нэй вадан' падыбаб"на", хусувэй ненэць' ханзер" хамедамбида, тарем' падыбасетыда. Толаңгода ханяңэхэна тамна нида хамедаңу": «Паднана җамгэ' нямна лахананақы?» Теда' җоб' то"олсавна паднавы җэбта", сава җэңгусь. Тикы' е"эмня помнанда" җопой иңут' ха"амбата" тара: луца вадахад товы вадам' ханзер" падыбаңгура". Җобкана таслахая падарт' ма"лэйда". Манзаяхананда" җоб' сер' мал' мэ"эйда". Вадамбой' толаңгода" ненэциеда" хамедамбаңгудо".

Тёняҗы Ненэцие" округхад товы «Няръяна вындер»кана манзарана Юлия Талеева Саляңгардахана тохолковамда тарем' ваде"җадась:

– Сидя яля' ямбан' җобт' тэ-

ворҗаваць. Нюртей яля' падна тоенана" серона" тасламби-ваць. Теда' вадаханана" едэй вада" җадиберҗа". Хуркари" лапка", пардон", ядэлава", несэй" хабця", манзарась' я" нюм" җэдакы". Невхы" похо"на тарця" яңговы" җэ" ним". Луца вадавна нубедо' теневаына". Ненэй вадавна ехэрава", ханзер" падаркана пада сава". Юне падыбавана" малыңгана хар"на" ибедорцетыва": «Ханзер" харе" няхана" тарця" несэй вади тэврангуна"?». Ханяңы" вада" җэрм' тер" нина" харто' теневаыдо'. Тикы" – интернет, такси, компьютер, социальной сеть, эссе, тамна җани". Луца вадаривна мэцетына". Яңга ненэй вадавна нина" вадес". Маня" хусувэй яля' юне ма"ламбадаңу манзаява" тикаханда җока җэсеты, луца" вада" е"эйҗэ ненэй вади хомба ёльцьва" нисеты тов". Җадьбята тарця җэ" нив": җопой яхана вунин



Сидяңг: Андрей Ткачев' тадтавы

җамдю", лахана нядамд хоңгун, лаханакуртади', тикы' пуд намдавыд мер' падарт' падаңгуд, сит

хибяхарт пон' вуни җатеңгу". Юн' падар" хусувэй си"ив яляхана харта яля" вуни җадимд". Етри' паромбаркаңгун.

«Лух Авт» газета тер Зоя Куртямова тарем' лаханась:

– Неноховавна тодо" департамент" нубе хаби" вадавна ханзели" падыбасетына". Мань хар"ни ини сер' падаңгун, няби нями җани' яңгана" вади мэта. Җадьбяна" маня" җани' җарка няна" табеком' нёдаб"на" сава. Җоб' то"олсавна паднаб"на", толаңгода" ненэциена" нина" поёлтамбаңгу".

Анна Яптик «Няръяна Ҳэрм»-хана паднана нява" инда ядэраб-цо" тарцяць.

(Пеяда 2 стр. җа)

Галина Окоэтто' падвы



Сидяңг: Анна Яптик' тадтавы

Җацеки" е"эмня сертабидо'

Небой та' Ямал' нямна җэда «мультфильм» җадимьясь. Нюмда – «Край Земли». Илна" нямна җэда падтавы иле"мярхам' луца вадахад ненэця' вадан' тэвравыдонзь.



Сидяңг: «Край Земли» мультфильмхад сертавы

3 стр. җа

Мяд' тердарев' ма"люрҗа"

Җани" пота тотрев' ты пэрти" сянакова' яля" ханярина җаць. Маня" юн' падарм' падыбадаңу Нядаңгардан', Хальмер" Седе"эн', Хоя" саян', Яр-Саян' тэворҗаваць.



Сидяңг: Анна Яптик' тадтавы

5 стр. җа

Дёльше вильҗаш

Тадкахана җашки" дет җайта окружающей фестиваль' «Все краски Ямала» мэҗаш". Пюл дяханана чики мероприятия' шичадю" җуп пуң чена шедтамы.



Тадтама: Лариса Айбаседо тадтамы

6 стр. җа

Нум' хурка Ѓэвахад теневава'

Тюку си'ивхана ѓоб' тарана юнм' намдаваць. Нерняна мэ'манда' нувона' хурка ѓэвахад теневава' ненэця' тарем' лаханаць. Вадавнандо' тюку по' таңы ёльць' ѓоб' градус' пирувна ядембаңгу. Ябтада, сарёда, итя ѓокамбой ѓэңгу. Округна' ЦГМС' ѓэвахана мэна Артем Кошкин тарця юнм' ваде'җась: «Маңгты' ирыва' ядембаркаңгу, явода +8...+13 ёльцянд' тэворта. Неняңг' ирыхына сававна ядембаңгу. Пилю' иры ѓахат ѓэванда пир' ѓэңгу.



Мэта си'ив ныланава' яляханана' нумда ибаңэ ханда. Сие ниць ирына' пудана яля' пиркана ѓани' тецьхамда. Ты' ниць ирыхына нумда ѓахат пирда ѓэңгу, -3, +3 ѓэсонд' ядемда.



Яв' салаба 109 сантиметр' пир' ѓэрха. Мале таякуй 1956 похона тюку ялэ' ёльцяңгана салабанда латдада 158 см ѓэвы. Та' мальҗгана саць няҗо'мы.

Теда' Саял' явна' салаба тю'уна Томской область' няна яна' няю' мүсе.

Сидяңг': Марина Ярой'
тадтавы'



Тюку по' сидя ѓарка хардана' Салехард няби Си'ив Харв марк' поңгы салабава' ёльцяңгананда хэңгадаңгу. Ты' ниць иры' 22 яля' пиркана итя салабасяламда. Мужи харад' хэвхы, хаби' нина' илелава' няюна сидя яля' пирувна мерарка савоңэ ханда. Яханандо' салабадо' ты' ниць иры' еркана хэңгадаңгу. Хоя саялхана ты' ниць ирына' пудана яля пиркана итя ѓадимда.

Марина Ярой' падвы

Тохолкурҗаваць

(Нердена пеляда 1 стр. ѓа)

– Маня' нянана' тохолко'мина' хавна Пяко' яхана илена ня-хаюна' товади' ѓули' савась. Пыди' няданди' Пя' хасев' вабцм' намдаваць. Вы' терҗэ нянана' вадиди' хамедава' пир' ѓэвы'. Андрей Пяк няби Лариса Айва-седо газетаханана' 2019 поход паднаҗаха'. Янди' тер' е'эмня юне ма'ламбихи'. Помнана' сававна таңга лаханакурҗаваць. Манзаина' тасламбиваць. Нина' тамна тяхасовна торомдэйна'. Няръяна - Маркад Юлия Алексеевна турҗасяне, пыда Ямал' тер' е'эмня ѓобтикы юне падыбасеты. Ѓарка я' тер' ила' нямна пыда няданда намдасетыва'. Ненэця' манэ'җадо': «Маньрина' нива' падна', ѓани' яха'нанядаҗгодина' тая'». Няхатана' едэй и' ѓутва' хова'.

Светлана Пантук компьютерхана падвына' газетан' ѓобт' ма'ламбада нява' ѓобтикы тохолкурҗась:

– «Искусственный интеллект»' нямна няна' лаханаць. Сидна'

тохоламбавы ненэць' мась: «Тарця' едэй мутрам' мэць тосарка манзарада'! Ненэй ненэцие' ила' саир' нямна ѓэда' падта'ми вэнзер' серта пирҗада: ненэй паны' е'эйҗэ яңгана ѓэрм' тер' ембдям' падтаңгу, ѓэдалёда' е'эйҗэ юнетанам' ѓадимдеңгу, пибитана хасава' е'эйҗэ хутытанам' сертаңгу... Ѓадьбята ѓули' тяхасовна хусувэй ѓамгэм' табедамбида'!»

«Няръяна Ѓэрм'» ѓэвахана мэна Марина Яр тохолковава' саву'җадась:

– Ѓока по' манзаравана' сер' ханяҗы' луца вада' е'эйҗэ

ховы вадина' мале тая'на'. Хар'на' помнана' паднаб'нана' мэ-цетына'. Ѓокамбой пелядо' сёбар' пирдырми' тэнз' нямна ѓа'. Тодо' ерво' манзарась' я ѓани' ѓоб' то'олсаркавна падыбасетына'. Тарем' ненэця' газетахана то-лабадидо' хамедамбидо'. Тад нерня' Елена Тимофеевна' ваде'мы' табеку няд'мадана' тараңгу'.

Тарем' сидя сава яля' сер' газетана' соя'ма ялям' сававна мэ-җаваць. Теневабцуна' тамна ѓокамдэйнаць.

Галина Окоэтто' падвы



Сидяңг': Анна Ялтик' тадтавы'

Илма' тасламби'

Сидя си'ив яля' ямбан' няби я' панхана тьяне' тэнзм' мэта' ненэцие' илам' тасламбаңгу'. Таяна, Нью-Йоркхана, ООНхана 25-й сессиянд' манзая пэңгу'.

Маня' Россияна' тер' нина' ѓани' таяна мэңгу'. Тетдо' ѓэңгу. Округхадна' «Ямал'ню'на' я!» Ассоциация' нерм' пэртя Эдуард Яунгад таяна мэ. Пыда' хавнанда хэвханана' илена' ѓэрм' тер' нина' ѓэдалёрта'.

Таславандадо' ѓока. Нердена яля' нум' хурка ѓэва' нямна лаханавыць. Пихий нум' хусувэй по' ибевор'мам' ваде'мыць. Тикар мянунанда маня' илаңгана' вэнзер' ха'морҗа. Тикы' хавна невхы ила' саирм' лэтрава', тохолкова', ям' сяма', сёнзя' мюй' хабцяңзьява', тамна ѓани' тарана' ѓавэ' нямна тасалкода'.

Пыдо' ты' ниць иры' нюртей яля' ѓэсонд' манзараңгу'.

Марина Яр' падвы

Ѓацекеы" е"эмня сертабидо'

Небой та' Ямал' нямна нэда «мультфильм» нэдимясь. Нюмда – «Край Земли». Илна" нямна нэда падтавы иле"мярхам' луца вадахад ненэця' вадан' тэвравы-донзь. Тарця сава серм' сертаба округна" нэвахана мэна ервава" нэдаңговысь.

Сидяңг: суометшуа нэда ханавы



Сидяңг: «Край Земли» мультфильмхад сертавы



ВЫ ЯМДА НЯДАДА

Сиднетм' пота хасава нэцекеы лахана мэта мутраримда нэ"амбись. Мэкад сянакубцхана сянакусь. Вадахана"тата пыда мэбета, ныхыда нэка ненэцяңэ хэван' харвась. Не нэцекеы нэда нэнда ма"нисяв: «Хой' нэна тарцям' мэць нин пират», мутрар ни манзараңгу». Нэбинд ида нэули" вома. Пуна ирихиюти', хадахаюти' мят' тиртя нэнохона тэвьяха'. Хадко нэули" сертамда хось я"ма. Тэри мэванда сер' нэрка лабтэй' мюд «амулет»м', пармам' хо. Нэ"маванда сер' пармада таминда ябере пэй". Ирида ма"нив: «Сяхаңгарт' тарем' нисеты ябере». Харвабта пыдар нэнд таславы нэдакы, ныхыда танянакы. Ханад»...

Парманда ненэся ныхыда таняны: Хадко иленя сармик" хамэдамба пэ. Нэрмам' нэубета вэнекода нэнда вадам' тэвра: «Нэрка вы ява" маянд' еремя». Илненди' нэ' тэнди' ни' тихия нэдаңгованзь нэкалнэди'. Минди' ни' маняэңэ собкавы" ты" еребернэ". Нэмгэ' пиркана маняэ" нэул' талвэравы нохоком' хоңаха'. Нохокоюти париденя нэулекам' пилмы. Париденя тиртя нэулекар тэд тикавна нэдиманда – ханяңэхэртадо' пирдале нида пирас". Хадко пармамда нэюнда тидхаледа – париденя нэулека тэри тэмзы".

Тамна сававна харта" ма"нэ"ира".

Сие ниць иры' матдомдэй яля-хана тикы иле"мям' Нэдаңгарад нэна манэ"лабтадонзь. «Сё мэти" мядм"» нэубета студия' тер" вадэ"надонзь. Луца вадавна лахана Хадкохо', Илнехэ' ненэй вадавна вахалмэхэнзь.

Хадкохо', Илнехэ' иле"мяхана Марина', Валентин', Артём', Максим', Илья' вабцо намдаваць. Тюку" ненэця" мал' Сэротэтто еркарем' мэ"на". Хэтыбавы" вадидо' нэули" сававна хан"наць. Нэцекеы нэбта нэцекедрев' лаханаць, нэрмы ненэць' нэбта вадидо' нэрмы ненэцяңдрев' хэтыбидонзь.

– Вабцм' мутран' падыбава ненэцл' манзая ни нэ". Лаханана ненэць' вабцамда яңгамдамбабата тара. Ненэй вадан' тидхалеңгова' серм' пухуцяни нэ' нэбкана минреми'. Марина, Валентин, Артём, Максим – мал' пыда нида. Сидя иры' ямбан' манзаява" пэрнаваць. Нэря харэ" вадан' пада тарась, пуна – нини" вабц падыбываць. Тарцям' пэраць торомбэйва". Небой по' «Ми-ми-мишки» мультфильмам' вадахана" мэваць. Сейхад минда вади Тусида Светлана Ивановнан' няби Худи Евгений Варьевичан' хэтыбива". Манзаява" пэрмана" малыңгана

Вадарихина ни" нэдаңгу"

Салэңгардахана «Жизнь героя» форум нэсь. Нэнадо серт' нэпой юр" сидя ю" ненэця" тэвыдаць. Тикахана ява" лэтрамбада", ява" лэтрамбавэңэ таравы", пухуцидо', нэбянадо', волонтер", серо тэневана", ерв", «Защитники Отечества» фонд' тер", округна" «Социальной фонд России» отделения' тер" мэць.

Сэяха' нэда СВО' нэна мэвы Данил Салиндер няби «Лэе»м' нэубета общественной

организациям' нэря' минрена Лариса Вануйто товэхэнзь. Пыди сидя яля' ямбан' тохолкурнахань. Нэнадовна ява" лэтрамбади ханзер" нэдабавандо' нямна намдвэхэ'. Ядэро"мити' пуд таняна намдвыди' харти' харданди' терха" вадэ"манзь пэръяди'. Таром' тамна' тяха' ха"аврамбванди' е"эмня тохолкурманзь турмэхэнзь. Лариса Николаевна ма"нисяв":

– Тюку нэвы форумхана нэка нэамгэм' нэна" вадэ"наць. Маня" нэюдяко хардахана иленаңэ ява"

лэтрамбуванзь ханта" нина" нисетына" юрыбю", ныхына" пирувна сиддо' етри' нэдабасетыва". Е"эмняндэ тарана нэамгэри ма"ламбива", лыңгнэ мэта поңга паңгалпива". Харад' тер" ненэй мякана" харто' индо' сер' нэдаңгованзь тосеты". «Внеси СВОй вклад в победу» проектанна мал' нэбнэзер' мэсетыва". Таяд турта ненэцие" нэ' нэбт' ма"люрцетыва", иле"мидо' нэна" вадэцеты". Тикы хавна нэмаэхэна «Сила в опыте – от ветерана к юноше!» серм' пэваць.

Нэцекеына" нэамгэхэртан' ниня пинана, ямдо' сянда ненэцяңэ вадэданбато' тара.

«Жизнь героя» ма"люрма нэуртей мэва' Ямалхана нэсь. Нэбт' тэвормы" ненэцяңг" ява" лэтрамбади ханзер" нэдабавандо', лекарабтаңгова', тохолкова', манзарава' нямна лаханаць. Округна" нэвахана мэна ервана" табековна тикы форум хусувэ-хэт таняңгу. Нэра' няби нэре' тодо" хардахана сертабаңгудо'. Няби мэва' Нэябрьск маркана ма"лэда".

«Няръяна Ѓэрм», недарма

1931 **НАРЪЯНА ЃЭРМ**

1949 **НЯРЪЯНА НГЭРМ**
КРАСНЫЙ СЕВЕР

1972 **НЯРЪЯНА НГЭРМ**

1987 **НЯРЪЯНА ЃЭРМ**

1991 **НЯРЪЯНА ЃЭРМ**

1997 **НЯРЪЯНА ЃЭРМ**

2012 **НЯРЪЯНА ЃЭРМ**

2020 **НЯРЪЯНА ЃЭРМ**

1951 похона падвы

Тохолковахана мэна хулкода'

Салехардыхы ФЗУм нюбета школа маня' округна халя пямна нгэда манзаян нгока манзаранам нгэдарамби. Пыда консервам сертабади, моторист, халям нямыбади, хулкоди хамедамби. Тохолкоди' понггана нгэрм нянгы ненэцие' тэнз' тохолку'. Хороля Михаил Салехардан Ямальной районхы Молотов нювм нюбета колхозхад тось. Тей мюсермы ненэць' теда' училищена тохолкурнга. Окатэтто Петр— «Коммунарм» нюбета колхоз тер. Петр урокада тохолавдавей кнйгамда хэвня ннда мэнггу, колхозанда тер' нянда пынрө ним, тикы пынрөбць томда таранив. Училищемда ёльцемахаданда Окатэтто Петр мэнена нгэсында салты.

Хулкованзъ тохолкода тадри экзамен мипа пянггу', тад тикад сидя иры манзараванзъ практикан ханта'. Пыдо' тенева халям хадабадангэ ханта'.
Л. Лалцуй.

Тэранггова яля е'эмня

НЫДА. «Родинам» нюбета колхоз илгы ненэць' тад тикад комсомолец' СССР Верховной Советан тэранггова яля е'эмня 3 ёнар торфм тимдеба мэта горшочкам сертавы', тад тикад 90 парниковой рамам сертавы'. Илгы полевод' тюку похона урожай вадёва нямна нярна'. Пыдо' ныхыхынандо' 270 тонн навоз нгаворта нгамдэдо вадюлава ян тэвравы', тад тикад 30 центнер ту'сибям малывадь.

1951 похона падвы

Планахад вата халя

Тюку по Гыданской халязавод халям хадабада' ненэця' ёнар' центнер халям хадабато' тара, тикы планхад вата халя. Небой поход планодо' саць нгарковна нгарамдавы. Тиканда тикы нгарка план сибя сер нинга, халям хадабада' ненэця' варемдо' мэць ханебато' тара.

Пыдо' тангкок халям ханяд хаданггу'? Гыданской халязаводахы ненэця' тюку по халям хадабавам иры пирувна мер' пянггудо', тиканда хадабада халядо' нгокамда. Нара ихла'мана нёям хадабанггу'. Пыдо' теда мале 350 сюибтадо' хамэда'. Планандо' пелям ихламана хадавы халяха'на томданггудо', нара ёльцянггана ихилака'на халя нгока нгэсыты.

Тамна тикы хавна вынггы тохот халям хадабавам тамна ханяцей нгарамданггудо'. Тохона хаиева няюв самляннг ёраць понгга хамэдавы', самляннг бригада несэйвана сертавы нгэнггу, теда' тикы' бригада' мале таславы'.

Нерампэртянгэ Яптунай Меня, Яр Тэтакучи, Яр Геннадий, Яр Хику, Салиндер Папа таранггу'.

Сямян' нгану', тунгану' июль иры 15 яля нгэсонд мал' хамэдавы' нгэнггу'. Тамна тикы хавна едэй нганохо'на нядавы' нгэнггу'.

Горковской халязавод. Пыда ненэцие' е'эмня сидя ю' неводникм мимби, Аксарковской халязавод 20 бударкам мимби.

Тиканда халязавод 1972 похона халям хадабава планамда сававна томданггуда.

1972 похона падвы

Ханена не

Шурышкарской районхана нгэда «Елап юш» колхозхана саць сававна ханена не Пырысева Анна Захаровна мирта сармикам хадаби. Тюку хаби не мале нгока по ханенангэ тара. Хусувэй сыра пыда таряхам, тёням тенева хадаби.

Тюку похона пыда нгобпохобэй ханенангэ тара, мирета сармикм хадась. Дународной не ялям— март 8 ялям пыда саць сав ядабтамби, госуларствон нюр' селкой пир мирета ми'и.

1951 похона падвы

Округна" соя"ма яля

Совет ила' мальггана 1930 похона нарка пэвдей иры' ед' юдимдей яляхана Ямало-Ненецкой национальной округ надимьясь. Тикы тальяню' тикы ялям' округва" хэбидя яляданда мэ"нада. Санаторно - лесной школахана тохолкода" нацеки" Ямална" 79 пом' мэ"манзъ нобт' ма"лёвыць. Пад-

тамвэхэтато' нарка выставлякам' сертаць. Пэвсюма няна тра мэкад концертм манэ"лабтаць. Хынотидо', транидо' харто' тэнзато' паны сераць. Нерде ян' нямгэко' нидо' сём' ханаць. Сёдо' тэри хайнаць. Пудандо' наркамбой" нэрмтер" трабцо" манэ"лабтаць. Хаби" нацекеця" мэ"мы сёхонато' Ямал

хынабтамбавамдо' таминандо' хамедадонзъ. Ненэй нацеки" лаханакон' манэ"лабтаць. «Си"ив салако» иле"мян' инзелена" письето' хэрнарьсь.

Тарем' санаторно - лесной школахана тохолкурта" нацеки" округна" соя"ма ялям' мэ"надонзъ.

Сидянгахана тамальггы концертхана мэвы" маниеда".

Марина Яр' падвы

2009 похона падвы



150—180 процентан нормамдо' томдабидонзъ' МУЖИ. Питлярской халя-участокхана манзарана' СССР Верховной Советан тэранггова ялям едэй производственной сававна манзарамана ядабтамбидо'. Салабам хамедамбава планандо' нормам манзарана' сававна томдадонзъ. Якимовм нермпэртянгэ мэта бригада хусувэй яляна нормамда 150—170 процентан томдабидась.

Евдокимовм нерпэртянгэ мэта миртя бригада хусувэй яля нормамда 150—180 процентан томдабидась. Бригада обязательствам ня'мась, ёльцянда талямна мйрманзъ, тад тикад сававна тад тованда халям нямарпада пунктан хамэкованзъ ваторась.

1951 похона падвы



Мяд' тердарев' ма''люрҥа''

Ѓани'' пота тотрев' ты пэр-ти'' сянакова' яля'' ханяри-на ҥаць. Маня'' юн' падарм' падыбадаҥэ Нядаҥгардан', Хальмер'' Седе''эн', Хо'' я' са-лян', Яр-Салян' тэворҥаваць. По' ваера''махад тамна ҥани'' хардаха'' хэсь тасламбива''.

Теда' Я' мал' няҥы ян' ҥэда-лэро''мами вадетадм'. Таняна тет яля' ямбан' манэ''мэми, намдвэми ҥокась. Тюку по' саць ҥарка ненадо хэбидя ялява'' ҥась. Пирдырмам' нэмбада ненэцяҥг' луца вадавна няби ненэй вадавна тарем' маҥаханзь: «Яр-Саляхана си''ив юд' ня' самлянзимдей сяна-кова ялям' мэ''ҥава''. Таддикахад сидя ёнаркад вата няхар'' юд' ня' матдомдэй пова'' Сензҥэ илева, Россияна'' ненэця'' тэнз'' ҥобнзер' ҥэва поҥэ таславы. Ямальской район' ты пэрти'' сянакова ҥадиво''ма я. Маня'' яна'' ниня ху-сувэй по' сава'' сер'' ҥадиберҥа''. Сянакова' яляхана тюкон' ҥобҥ-гэв' мяд' терсавэй' ханярид тур-ҥа''. Ты пэрти'' ма''люрма тодо'' тэнз' ненэцие ҥопой мяд' тер-дарев' ҥобт' ма''ламби. Пирдыр-манзь хусувэй хибя хамэдэсеты. Сямбирувна мэбе''мамда, сянэй ҥэвамда ҥадимдесеты. Ѓэрм ява'' сюдбяко Россия' паҥг. Яна'' терҥэ нерняри' минзь тохобэва''. Тад' тяха' ҥани' ҥамгэхэртан' нись табаҥга минҥава'', сензава'' ҥэхэва''».

ТЫ ПЭРМАМ' ИЛАДАНДО' ТАСЛАВЫДО'

Харад' еркы ненадо яхана ма''лываць. Хынота'' — хыно''-ҥаць, сёбар'', ханадо' вадна'' — сырманзь товыҥэ хэвувнана'' яда хан''ҥаць. Поҥгандо' «Мате-ринская слава Ямала» медальм', «Родительская слава» орденм' ня''мавы'' мэць. Нито' нерняхавана илева' ты пэртяҥэ таравы'', манзаравы'' ядаць. Ты пэрма' няю' ҥарка таром'

ха''авравыҥэ ваде''мыдо' ти'': Ѓокдэта Александр Сергеевич, Ѓокдэта Олег Омдэвич, Сэродэ-та Вячеслав Аттывич, Сэродэта Павел Хэйбьювич, Худи Алек-сандр Хасовавич, Худи Валентин Сэрокович, Худи Нядма Нюди-ливич. Пыдо' манзаямдо' тяха-совна минревандо' няю' ҥарка ненадумда''ма нюбе мэ''ҥа''. Ты'' саполана иры' самлянзимдей яляхана 2011 похона ҥадимы «Почётный оленевод Ямальско-го района» званием' ня''мавы''. Ѓавна ненадумда''мам' район' тиҥгывна тасалкода'' Дума' тер'' ҥадимдевыдонзь. Илебей'' ненэця'' ты пэрма' серкана тором-бэй ненэцие тисьедебто' тикахана невхы илна'' саир'' я' сяр' нид ни ёход''.

СЁБАРНА'' ВА''ЛЭЙ'' ҃ЭВЫ''

Тюку по' ҥокханда 190 сёбар'' пирдырманзь то-выць. Тет яля' сер' сян-куць. Сидя минута' пир'' яркулавахана няхатато' ҥока тюрм' яркавы'' ти'': Яр-Саля' тер Сэродэта Песемя, Новой Порт' тер Худи Егор, Яр-Саля' тер Худи Вадим. Хане мэта ламбита сюрмба-хая яркулавахана 11 сёбар'' мандал'' мэць. Нюртейҥэ тет юр'' метра' хунм' «Панаевск-2», «Панаевск-1», «Харп''



Сидяҥг': Анна Яптик' тадгавы''

сюртедонзь. Нид мэва сюрам-бахая няхар'' мэва' санармаха-на Вануйта Виталий, Сэродэта Песемя, Пуйко Василий ҥаха'' санэйдаць. Смянхат хубта ян' хэвыдо' 9 метра' 87 сантиметра' хунат' ха''мыць. Хане санарпава-хана Лаптандер Сергей, Пуйко Григорий, Вануйта Виталий ва''лэяць. Нюртей ян' ха''амвы' нядо' 516 ханм' санась. Ныхы-дырманзь 118 сёбар'' тасладонзь. Няхатато' мэбете''эдо' — Езынги Лев, Сэродэта Тангана, Худи Владислав. Таро''манзь 90 не-нэця тось. Вануйто Вячеслав ня''мавы' ҥуданда терм' Сэродэ-та Денисан' ми''ҥадась, нямда няхаромдэй ян' мэсь таслась. Небой по' нюртей ян' ха''мормы Яптик Яков ҥобтикы няби нямда нерня' мэсь. Снегоходм' Ѓокдэта Константин ня''мадась. Хане мэта ламбахана'' сяхаринда Панаев-скхад турта'' мере''ҥа''. Нюртейҥэ «Панаевск-1», «Панаевск-2» сёбар'' мандал'' тоць. Няхаромдэй'' Салемал' тераць.

(Пеляда 8 стр. ҥа)

Анна Яптик' падвы






Дёльше вильңаш

Шанат тэмс нешади" дидивсум ңычимчеңаш". Талкахана ңашки" дет ңайта округной' фестиваль' «Все краски Ямала» мэ'ңаш". Пюд дяханана чики мероприятия' шичадио" нуп пун чена шедтамы. Вильта конкурсахана дянтуң чед" тэмс дидивсум ңычимчепюта" ңашки" пу" тахана ңоктаңа". Кудкади" дети творческий' коллектив" ңычимшту". Четаң мянадмантуң мэт дюлкат ва'та" шичадио" шича пимшата" ңашки" тоңаш".

Пюд дяханана дидина" ңашки" камна Тазовский', Ямальский', Приуральский', Шурышкарский', Волновахский районхат мэна" мяналяш", Ноябрьскхат, Муравленкахат, Новый Уренгойхат мэна" пыртатуң мянальш конудпиш". Кукиты шедтамайтуң ңамыдөтуң видеон тат'тахадыш ңайтаптайтоньш. Ңашки" хампляңк номинацихана мяналяш". Конкурсан' тотуң хомана ңанатамэт.

Маня" ңалка Россия дяханана хома шоньшахана нетун ңаш ңука тэмс неша" диде". Тадям ңашкиуде" шанат нешай" дидивсум ңычимчепеш кулкади" ңамыдио" шедтаңаш". Мяналта" вильта обряду" ны-



чимчеңаш", шутпядсу", ванлду" вачаңаш". Кальтуң нутаханатуң шедтамайтуң, хэтмайтуң ңамыкутуң деэмня ңайта ярмар-



Тагтама: Лариса Айваседо тагтамы

кам ңычимчеңаш". Дёльше хомана мяналяш".

Чики фестиваль ңалка мячисы Гран-при Тазовский районхат мэна «Кюрелей» нимита коллектив' няамңаташ. Ңайвахай местам Талкахай школа-интернатхат мэна «Каймый Чолыты» нимита коллектив' канаңаташ". Пы'тоң капиди" обряд' ңычимчимпиш", шутпядсу", ванлду" вачаңаш", капиди" дилың нямна ңайта ярмаркам шедтаңаш". Кадпюдкай школа-интернатхана тоходкота"

ңашки" коллектив' "Пимшатаку" петадахана дидина" нешади" дилым ңычимчипеш ңупчики хомана мяналяш.

Мяналта" ңашки" тотуң фестивалың хомана ңанатамэт, чуки похона «Все краски Ямала» дёльше вильңаш. Мяналмантуң камна ңашки'уде" шанат тэмс нешай" культурам маньңа", дети дидютатуң коңа". Мянальш нэхэдмы" коллектив", хомана мяналмы" ңашки" тотуң мячисы" – диплому" няамңаш".

Лариса Айваседо патмы



Интернет' мутравна сидна" хось пирңада", тюкон' тюда".

ОБЪЯВЛЕНИЕ

СВОИХ НЕ БРОСАЕМ
ВСТУПАЙ В РЯДЫ РОССИЙСКОЙ АРМИИ

КОНТРАКТНАЯ СЛУЖБА ЕДИНОВРЕМЕННАЯ ВЫПЛАТА НА ЯМАЛЕ
6 700 000 Р **4 000 000 Р**

ПОЛНАЯ ИНФОРМАЦИЯ ПО ТЕЛЕФОНУ
8(902)816-11-90
8(34922)3-98-08
ЗВОНОК ПО РОССИИ БЕСПЛАТНО

МИНИСТЕРСТВО ОБОРОНЫ РОССИЙСКОЙ ФЕДЕРАЦИИ
contract89.ru

Ямалхана СВО' няна сайнорта" ненэцие", мято" тер" е"эмня ңадимдевы" няд"ма"



Няврё ервамда илебте



Сидирг: Марина Ярой' тадтавы"

Ѓоб" җэсына няхар" мя". Не-
нэцяндот' мале җока, җацекиды'
җоб" тарем' җока. Ѓоб" мэва'
таҗы яляхана ненэця" ненсэй'
ян' мюсе". Мядото' хэвхана җар-
камбой юн' том' нермядандо'
тасла җэсы". Җарка ненэця"
мядодо' мярыби", тыдо' иле-
бей ян' хадырць тэри лабцейд".
Җацеки" нерманзь хэванзь ед-
кодо' ня"марҗа". Некум' нюбета
не җацеки харта пилипон' ня-
ха"тата хэвнякумна ет' хурина
мэван' харва. Теда' җани' пыда
минханда нита нерня сюрамба
хая. Терсяда едхаюта хэрна няби
ё" вэт' со. Пумнанда Няврём' ню-
бета яндо вэнекоцяда нявота ми-
җа. Неку вэнекомда едхана лада-
да, пуня' питарҗада. Вэнекоця
ерванда җарковна сита лад"махад
хаи. Пуйне тикавна хэванда сер'

Няврёмком' нямзьледа. Вэнеко-
ця янамбовна тики не җацеки'
пумна хая. Нермя' юн' то' хэван'
тэвыд". Тикаҗэ мале җарка то
җэвы, лаҗгода пирҗяка"я", ен-
дада тэри паҗгабты. Няхатата
җаркамбой не җацеки, Хаккане,
то' варан' тэв"махаданда, сом-
бовна тора ядамда пурць сян-
ди" явна сырҗа. Нида тикари-
хина то' хэван' ни җэдарамбу",
тарем' төрей":

– Тедари пинякуна мэхэр-
җада", то җули" ёря, лаҗгода пир-
җя", тамна лабаҗгавы". Мань
хар"ни тайкумна хэхэрҗадм',
лаҗгасяда хэвамда манэ"тадм'.

Җацеки" җоб" яхана ну", то'
сидя хэвувна тэри сырҗа". Ха-
хая җэда седако' ниня тиртя ха-
небцём' манэ"җа. Таняна седа'
җэва' мал' ниня пиद्याда сянхана
җади. Хаккане то варан' тэвы",
танянд нида хайда:

– Таляҗада"! Тюкона тора
җэвы, итя җули" җамгэхэрт та-
борта яҗгу, сянхана то' җылна
ядэрта" халякоця" җади", тордо'
тэри сакадарҗа".

Җацеки" едто' хэрнари", то'
няби вар' няю' сюрамба хая".
Няврё вэнекоця нянандо' нявата
хая. Неку нита пумна хэван' нись
харва", җопой яхана нусь хаи.
Няхата тэри мунзипой" сырҗа.
Җацеки" мале еддо' икна пан-
дамба пя", халякоця маниеванто"
сер' помнандо' письҗа". Некуи
пирҗя лаҗг' нид таси' ид' варан'
ха"мота пэй". То' тяха' няд
Хаккане нянда төрей":

– Ханя' тикавна ха"мотан,
таняна итя җули" ёря, ит' нён
мандэ", лаҗг' нид янамбовна
ха"мот"!

Некуи намдортада яҗгу, то'
варан' ха"мы", җоб" лабцёй
лахаця' ни' нуль". Ит' сылаван-
да сер' лакри' җэвада сюрхалҗй",
җопой төрей":

– Тюкона итя җули" ёря җэвы,
няюнда" ханямна тось сава?

То' тяханяна мэна" нида җу-
даха"нато' таберкурҗа", ханям-
на яда товамда манэ"ламтамби".
Некуи янамбовна то' варувна
лахацие" нимня санарць мале
нита хэван' тэваҗгусь, җамгэ
җэса? Лакри' җэда нанзада, ит'
тэри мулкада. Некуи төрда җу-
ли" җарма, җопоё манзеты:

– Си"ми нядада", мань ит'
хадм', мале сэйван' харвадм'!

Җацеки" нида тобродо' ека-
хая няюнда сюрамба миҗа".
Тики" сюрамбади" нерня Неку-
ин' неры ладоркая хаебавэда
вэнекода, Няврёмко, җэдавы
муҗгдарев' ит' санэй". Җацеки"
нерня падерць имня ерванта
хэван' тэвы". Вэнекоця Некуим'
имбытата павэд сякалка тора
ян' тэврада. Җацеки" няндо'
хэван' тэвыд". Некуи' җавари
ниданда җархандо' екэйдо'. Хак-
кане хасуй футболкамда миҗа,
Тэлне ной панэмда ека. Яхане
тобродо сиребте. Некуи са"нуй"

паныда вэнеконда маха' ни'
сярыда. Еддо' пандахая мядото'
няю' пядо'.

Некуи' небя маханда ниня
җавари минарта Няврём' манэць
тэри пысэй", җопой төрей":

– Теда' җамгэра" хадкэсь?
Вэнеко җамгэ Некуи' паны ма-
ханда ниня минарць то?

Некуи небянта сюрамба пяда,
сянхана ярума. Серота сер'
ваҗын' еревомамда ваде"җада.
Небяда мунзямладада, тарем'
вахалҗй":

– Ти, манэ"җар, мунд нива
намдорма тикада вэва! Нид
сит сомбовна ха"мынё", тора
яхад нераць сава җэвам' ма-
нэлабтая нянд табекурмынё".
Пыдар хурина хибяртан' нин-
нё инзелесьту". Тарць" хавна
тамна вэнекомд вэнзер" пэр-
цетын, Няврё сит тай тикари-
хина нивы җэб" нэкал", ит' та'
минат' хаҗгунась. Тад нерня ир
ядэрҗая, муно" тяха' сян нён
җэсьту". Мань муҗгатани" җоб"
тарем' хэван' харвананё.

Некуи лаханана небяханда
инзеле, хайлада тэри хайна". Вэ-
некомда тикарихина җавламба
пя, мунзипой" нямзьлембида.

Раиса Япгунэ' падвы



Мяд' тердарев' ма"люрҕа"

(Нердена пеляда 5 стр. ҕа)

ТЫДО' Я"АВЛА ХАРЕБИДОНЗЬ

Ёмзя хад, синё, сарё, пыв мерця – нум-да хуркариҕэ хан"ҕась. Тэхэ"на ҕедалё нертеҕурта" пирдырма' мальҕана сарёсь, ҕули" ҕаясь. Ненэҕя" пибидо', мальцидо' са"неҕгаҕь. Ё"иня", ҕэва' иня" ҕани' вэлцарҕгаҕь. Наро" нийхав" ҕархандо' сыреворҕаҕь. ҕокханда 75 ҕедалёдась. Пирдалембададо' луца вадавна 1600 метр' хунась. Лабакм' мер' сюртевы – Худи Павел. Пыда сидя минута юкад вата няхар" секунда мимэсь. Пуданда товэхэ' Лаптандер Константин няби ҕокдэта Прокопий. Пыдо' мал' мерета снегоход ня"маҕь. Тетимдейҕэ тэвавы 200 ёнар" есям' мато"ҕась. Самлянзимдейҕэ товы – юр" ёнарм'.

Ныланава' аляхана ҕани' ҕопой тэхэ"на ҕедалёва ҕась. Едэйвана ҕадимдевы пирдырмахана 70 ҕедалёда мэсь. Сиддо' ҕоб' пуд ҕедарамбиць, помнандо' сидя минутарим' поёҕаҕь. Няхар" тым' подерпа серо"ҕась. Нюрте"э' ҕамгэ' пирт' ҕедалёда, пуна лакри' нултаҕуда, тынзямда наронда ҕылад ҕюхулта, тюрм' яркаҕу. Таддикахад ҕани' паромбари' ҕедалаҕу", нултаҕуда, тынзямда санота, тюрм' яркаҕу. Тикы" серода мэ"махаданда тыда ёльце ҕарковна хареҕуда. Няхар" сэр" хабтм' подермы Лаптандер Сергей няхатата ваць тось. Пуданда Сальяндер Владислав, Тысия Александр, Сэродэта Яков тоць. Нита сехэрэд ервы Сэродэта Олег ненадо ҕуда' терм' ня"мась.

Тет яля' сер' пирдырмандо' пуд нерня' «Ярсалинское-1», Сёяха' тер", ТСО КМНС «Харп»хана мэна" ха"мыдаҕь.

ПИРДЫРМА' ХАВНА

Харе" ҕудаха"нато' сертавы ҕамгэридо' мирдапада", тэмдорта" ҕани' варемдо'



мэ"ҕаҕь. Мел"мана сэдорана" не" падтавы, мадавы паныдо' манэ"лабтамбиць. Е"эмняндо' «ҕуди"ни тара"ма» сэдорани" пирдырма миҕась. Не" ёльце паской паны, мальци, саби, туцяҕо сэдвыць. ҕопой пи' тяха' сертавы" ни"ҕа", мале сян иры' сертабавы".

1-7 пота" ҕаҕекы" поҕгана ҕокдэта Даниярм' няби Хороля Дарьям' ненадумдаҕь. 8-14 пота" поҕгана Сэродэта Артём' няби Сэрой' Альбина нерняна мэҕаха'. Мадавы панэхэт Езынги Снежана' паным' тэраҕь. ҕодяко мадавэхэна падтавы панэхэт Куйбина Юлия' паным' саву"ҕаҕь. ҕокэй' Анастасия' мадавэсьда паным' ҕобтики нерня' мэдонзь. Хасавахат Езынги Михаилм' тэраҕь. Ваной' Любовь' не' ханм', Сэродэта Олег' ҕедалёсь' ханм' ненадумдаҕь.

Сёбар" сянакова' ирмня халям, ҕамзам' ясьпава пирдырма миҕась. ҕокханда ю" ненэҕясь. Пыдо' Я' мал, Пэ" хою", Нядэй я'

няд ҕаҕь. Смянхат халямда сававна ясь"мы – Езынги Хатяко. ҕамзам' ясьпа тенева Сэрой' Елена. Пыди' сидябты' Яр-Сальяхана илеҕаха'. Юр" ёнар" есявна ня"маҕаханзь.

Район' ҕэвахана мэна ервхад Чуланов Артёмхад сидя мяд' терха' «Чумовой капитал» нубета няд"мам' ня"амҕаханзь. Сэродэта еркарм' мэта Яков' няби Марина' няхар" ҕаҕекым' вадабихи', «Ямальское» предприятияхана мэҕаха'. Худи Алексей' няби Лаптэй' Евдокия ҕобтики няхар" ҕаҕекыди'.

Тювам' мэ"мы ҕани' таяҕь. Тикы' хавна самляҕт ю" по" ҕобкана илевы ненадумдаҕь: Вануйто Анатолий' Някувичм' няби Нина' Хасеевнам', Лаптандер Борис' Папакоевичм' няби Янгане' Аювнам'. Теда' пыдо' нюто' ню вадаби".

Анна Яптик' падвы



Газета «Няръяна Нэрем»	Главный редактор Яр Марина Тэтакучевна	ГЕНЕРАЛЬНЫЙ ДИРЕКТОР АНО «Ямал-Медиа» Зулинова Мария Андреевна	№ 17 Подписано в печать 23.04.2026 г. Вышла в свет 25.04.2026 г. По графику: 16.00, фактически: 16.00.	ПОДПИСНЫЕ ИНДЕКСЫ: на год – ПА701, на полугодие – ПР562.
---------------------------	--	--	--	--

Учредитель – департамент внутренней политики ЯНАО (629008, ЯНАО, г. Салехард, пр-кт Молодёжи, д. 9, каб. 708).

Издатель – департамент внутренней политики ЯНАО (629008, ЯНАО, г. Салехард, пр-кт Молодёжи, д. 9, каб. 708)

Газета зарегистрирована – Управлением Федеральной службы по надзору в сфере связи, информационных технологий и массовых коммуникаций по Тюменской области, ХМАО-Югре и ЯНАО от 19 апреля 2012 года.
Регистрационный ПИ № ТУ72 – 00559

Тираж 3600 экз.

Заказ № 122 тз (тираж 3600 экз.) отпечатан в АНО «Ямал-Медиа»
Юридический адрес: 629003, Ямало-Ненецкий автономный округ,
г. Салехард, мкр. Богдана Кнунынца, д. 1, каб. 106

Фактический адрес: 629007, Ямало-Ненецкий автономный округ,
г. Салехард, ул. Чубынина, 39А

Газета выходит по субботам.

Цена годовой подписки 166 руб. 84 коп.

В розницу не распространяется.

Адрес редакции: 629003, ЯНАО,
г. Салехард, мкр. Богдана Кнунынца,
д. 1, каб. 106
тел. +7 (349 22) 4-53-32

E-mail: nn@yamal-media.ru